

Bonjorn, amics e amigas,

Lo 29 de març, vos convidi a Montpelhièr per un acamp preparatòri del collòqui FLAREP-FELCO que se tindrà lo 25 e lo 26 d'octòbre a St-Affrica e lo 27 d'octòbre a Mende.

L'acamp se farà a mon ostal (pròche de la gara e de la Comedia), a comptar de miègjorn. Partatjarem la biaça. Ieu vos prepausi ensalada e fromatge del Cantal.

I organizarem de comissions de trabalh per preparar lo collòqui.

Los collòquis annadièrs de la FLAREP son, per l'associacion que los organiza, un moment important de soscadissa pedagoga e politica.

Lo darrièr que s'organizèt en domeni occitan foguèt en 1999 a Vilanòva d'Òlt.

Dempuèi 1999, de causas se son passadas, bonas o mens bonas. Forra borra :

- progression de las classas bilinguas en cò nòstre
- circulàrias e tèxtes de lèis positius per d'unes, negatius per d'autres
- capitada de las manifestacions de Carcassona e Besièrs que nos donèron mai de credibilitat fàcia als militants de las autras lengas

...

lo collòqui 2008 serà l'escasença de faire lo punt de tot aquò, e ne volèm faire tanben una capitada mediatica e politica.

L'idèa es

- de i faire participar lo maximum de collègas – e de parents d'escolans - de totas las academias
- de i faire venir s'exprimir los responsables regionals e qu'aquestes i prenguèsson d'engatjaments (ajudas a la vida sociala de la lenga, als projèctes pedagogics occitans dins l'escòla publica, signatura de convencions Estat / Regions, necessitadas per la lei Filhon...)
- que cada associacion academica demande una ajuda a son Conselh Regional per ajudar a pagar los fraisses del collòqui al mond de l'academia en question.

Mercés de plan voler me confirmar vòstra venguda.

Amistats, MJ